

# ***Svjetski dan podrške oboljelim od epilepsije***

26. mart je "ljubičasti dan", dan kada se širom svijeta ljubičastom bojom iskazuje solidarnost s osobama koje imaju epilepsiju. Dan je osnovan 2008. godine inicijativom djevojčice Cassidy Megan i njenih roditelja. Zbog osjećaja usamljenosti i nerazumijevanja, Cassidy koja je tada bila devetogodišnja djevojčica s epilepsijom, izrazila je želju da svima govori o epilepsiji i da pokaže kako se ljudi s epilepsijom ne razlikuju od drugih ljudi.



Epilepsija je poremećaj nervnog sistema koji se događa zbog prekomjernog i nepravilnog izbijanja nervnih impulsa u mozgu. U odrasloj dobi najčešći uzroci su moždani udari, ozljede glave, prekomjerno konzumiranje alkohola ili droga te tumori i infekcije. Kod djece je najčešći uzrok porođajna tj. neonatalna trauma. Jedna je od najčešćih hroničnih neuroloških bolesti. Očituje se epileptičnim napadima – iznenadnim epizodama poremećene motorike, senzibiliteta, ponašanja, percepcije, a u određenom broju slučajeva i svijesti. Dijagnoza epilepsije postavlja se na temelju detaljne anamneze, neurološkog pregleda i elektroencefalografskog snimanja. Danas se ova bolest u više od dvije trećine bolesnika može dobro kontrolirati lijekovima – antiepilepticima.



**26. Mart**